



Broj: 01-50-1-7-24-9/23  
Banjaluka: 17.10.2023. godine

SVI MEDIJI

PREDMET: Saopštenje za javnost/ demanti – dostavlja se,

Poštovani,

S obzirom na sve učestalije dezinformacije koje se pojavljuju u javnosti o nadležnosti i radu Komisije za koncesije BiH i pogrešnim navodima da zbog nenaplaćenih koncesionih naknada država BiH trpi velike štete, a u cilju objektivnog i istinitog informisanja javnosti željeli bismo javnost upoznati sa sljedećim činjenicama:

1. Koncesije u BiH, prema Zakonu o koncesijama BiH, **dodjeljuje** Savjet ministara BiH ili nadležno ministarstvo koje ovlasti Savjet ministara BiH, a ne Komisija za koncesije BiH. Komisija za koncesije BiH je **samo** regulatorno tijelo koje ima prevashodno zadatak da obezbijedi transparentnost postupka dodjele koncesije, da odobri ili ne odobri Studiju ekonomске opravdanosti, da prati provođenje ugovorenih obaveza i rada koncesionara i sl.
2. Komisija za koncesije je izradila „Dokument o politici dodjele koncesija u BiH“ koji je prihvatio i usvojio Parlament BiH i ujedno ima zakonsku obavezu da prati izvršenje tog dokumenta i o tome obavještava Savjet ministara i Parlament BiH, što Komisija redovno čini svake godine. Komisija do sada nije zaprimila niti jednu inicijativu od strane Savjeta ministara BiH ili nadležnih ministarstava za rješavanje pitanja korištenja ranije izgrađenih energetskih objekata od strane susjednih država koje koriste hidropotencijale BiH ( HE Zvornik, HE Bajina Bašta, Buško jezero i sl).
3. Komisija za koncesije BiH odobrila je Studiju ekonomске opravdanosti za izgradnju autoputa na Koridoru Vc, koju je pripremilo Ministarstvo transporta i komunikacija BiH, ali je Parlamentarna skupština odredila da navedeni projekat realizuju entitetske Vlade i isti se nije finansirao putem koncesija.
4. Komisija je takođe zadužena da u svojstvu Zajedničke komisije za koncesije rješava sporna pitanja oko dodjele koncesija koja nastanu između BiH i entiteta, odnosno između entiteta kada se radi o međuentitetskim linijama i koncesionim dobrima koja pripadaju i jednom i drugom entitetu. Svi dosadašnji sporovi su razriješeni izuzev spora oko izgradnje HE Buk Bijela oko koga se Komisija izjasnila Zaključkom jer nije imala kvorum za donošenje Odluke. U kontekstu ovoga spora treba istaći činjenicu da dodjela koncesije znači samo prenošenje prava korištenja i upravljanja nad nekim dobrom na određeni period uz određenu naknadu i da nema nikakvu poveznicu sa pravom vlasništva što se često pogrešno tumači.
5. Komisija za koncesije BiH nije zakonski nadležna za raspisivanje konkursa za članove Komisije. Konkursnu proceduru za članove Komisije provodi Savjet ministara BiH, a imenuje ih Parlamentarna skupština BiH. Konkursna procedura je do sada, odlukom Savjeta ministara BiH poništavana tri puta. Komisija je takođe proslijedila nadležnim ministarstvima na desetine samoinicijativnih ponuda za dodjelu koncesija koje nisu nikada razmatrane na sjednicama Savjeta ministara.

Smatramo da javnost u Bosni i Hercegovini treba biti informisana o ovim činjenicama i iz tog razloga tražimo da ovo Saopštenje bude objavljeno putem sredstava javnog informisanja.

S poštovanjem,

